

## PREDLOG P L A T F O R M E

za učešće ministra sporta i mladih Vasilija Laloševića, na Svečanoj ceremoniji povodom obilježavanja 30. godišnjice od prijema Olimpijskog komiteta BiH u svjetsku olimpijsku porodicu

Na poziv Olimpijskog komiteta BiH, ministar sporta i mladih Vasilije Lalošević učestvovaće na na svečanoj ceremoniji povodom obilježavanja 30. godišnjice od prijema Olimpijskog komiteta BiH u svjetsku olimpijsku porodicu koja se održava 23. septembra u Sarajevu.

### Opšte informacije o događaju

Olimpijski komitet Bosne i Hercegovine osnovan je 04. juna 1992. godine u Sarajevu.

Nakon utemeljenja, Olimpijski komitet BiH je, kao pridruženi član, već 23. jula iste godine primljen u Međunarodni olimpijski komitet, što je, dva dana kasnije, omogućilo prvim olimpijcima iz ove države da se pojave u svečanom defileu na Olimpijskim igrama u Barseloni 1992. Ovim je otvoren put do punopravnog članstva u MOK-u 24. septembra 1993.

Kako bi obilježili ovaj važan dan, Olimpijski komitet BiH održava ceremoniju na kojoj su pozvani predstavnici državnih organa nadležnih za oblast sporta i olimpijskih komiteta, uključujući i ministra sporta i mladih Crne Gore, Vasilija Laloševića.

Navedenu posjetu Sarajevu, ministar Lalošević će iskoristiti da razgovara sa predstavnicima Olimpijskog komiteta BiH ali i nadležnog federalnog ministarstva za oblast sporta o daljim zajedničkim projektima i snaženju saradnje ove dvije države u oblasti sporta.

## **Ciljevi i značaj učešća delegacije Crne Gore**

Imajući u vidu značaj zajedničkog djelovanja na planu razvoja sporta u regionu, prisustvo ministra sporta i mladih Crne Gore na ovakvoj ceremoniji je znak podrške saradnji naših država u ovoj oblasti.

Cilj učešća delegacije Crne Gore je snaženje prijateljskih odnosa sa Bosnom i Hercegovinom i razmjena iskustava u kontekstu prioriternih projekata u oblasti sporta.

U okviru posjete Bosni i Hercegovini, osim prethodno navedenih sastanaka, planiran je i obilazak Olimpijskog muzeja Bosne i Hercegovine, što je od velikog značaja za razmjenu iskustava po pitanju započetog projekta izgradnje Olimpijske kuće u Podgorici čiji će sastavni segment biti i olimpijski muzej Crne Gore.

### **Sastav delegacije:**

Crnogorsku delegaciju na Svečanoj ceremoniji Olimpijskog komiteta BiH će činiti Vasilije Lalošević, ministar sporta i mladih.

Troškove smještaja i putne troškove pokriva organizator.